

KERATAN AKHBAR

TARIKH : 28 OKTOBER 2022

AKHBAR : KOSMO

MUKA SURAT : 6

Kemas peruntuk RM2 juta lahir graduan sijil, diploma TVET

Kemas peruntuk RM2 juta lahir graduan sijil, diploma TVET



MAHDZIR KHALID menyampaikan diploma kepada graduan Akademi Kemas di Alor Setar, semalam.

ALOR SETAR – Jabatan Kemajuan Masyarakat (Kemas) telah memperuntukkan sebanyak RM2 juta untuk melahirkan graduan yang memiliki sijil serta diploma dalam bidang Pendidikan Latihan Teknikal dan Vokasional (TVET) tahun ini.

Menteri Pembangunan Luar Bandar, Datuk Seri Mahdzir Khalid berkata, sepanjang tahun ini, seramai 493 graduan Sijil Kemahiran Malaysia (SKM) dan Diploma Kemahiran Malaysia (DKM) berjaya dilahirkan.

Katanya, kesemua graduan tersebut adalah pelatih dari Akademi Kemahiran Kemas Seri Iskandar dan Gopeng, Perak serta Penyelia Kemahiran Kemas.

"Program sijil dan diploma

dalam bidang TVET itu diiktiraf Jabatan Pembangunan Kemahiran (JPK) di bawah Kementerian Sumber Manusia," katanya ketika berucap merasmikan Istiadat Konvokesyen Kemahiran Malaysia ke-13 Kemas di sini semalam.

Kata Mahdzir, kerajaan sangat yakin TVET kini mendapat permintaan yang tinggi daripada pemain industri di negara ini.

"Kita perlu merebut peluang ini dengan melahirkan seberapa ramai modal insan yang berkemahiran untuk menyumbang kepada pertumbuhan ekonomi mapan dan negara berpendapatan tinggi," ujarnya.

Beliau berkata, Kemas juga merupakan satu-satunya agensi kerajaan di negara ini yang me-

laksanakan Diploma Lanjutan Kemahiran Malaysia Tahap 5 dalam bidang pengurusan fesyen dan pakaian.

"Melalui TVET di Kemas yang memberi fokus bidang jahitan dan kulinari, belia dan beliawanis khususnya golongan B40 ini berpeluang menguasai kemahiran serta memperoleh sijil dan diploma dengan pengajian ditanggung sepenuhnya oleh kerajaan.

"Saya percaya Akademi Kemahiran Kemas berperanan besar dalam membantu pembangunan modal insan negara baik di peringkat masyarakat mahupun kerajaan individu," katanya.

Sehingga kini Kemas melahirkan seramai 2,400 graduan sejak 2007.